



## GEREJA KRISTUS LIKAS

Mengenal dan Memperkenalkan Kristus

Bisyp: Bisyp Datuk Melter Jiki Tais

Rektor: Archdekan Moses Chin



**Hubung**

P.O. Box 18510, Pejabat Pos Besar Kota Kinabalu,  
88670 Kota Kinabalu, Sabah

Pejabat: 088-426312, 213220 | Mudah alih: 019-6611558

<http://christchurchlikas.org/> | [cclikas@gmail.com](mailto:cclikas@gmail.com)

## Minggu Terakhir Selepas Pentakosta - 27 Oktober 2024

### Doa Hari Ini

Ya Allah yang penuh rahmat, Engkau telah menyediakan hal-hal yang baik yang melampaui pengertian manusia kepada mereka yang mengasihi Engkau. Curahkan ke dalam hati kami kasih yang sedemikian terhadap-Mu supaya, dengan mengasihi Engkau lebih daripada segala sesuatu, kami akan menerima janji-Mu yang melebihi segala yang kami inginkan, melalui Yesus Kristus Tuhan kami. Amin.

Injil - Markus 10:46-akhir

Pembacaan Berbalas-balas -  
Yakobus 4:13-5:6

**Hidupmu itu sama seperti  
uap yang sebentar saja  
kelihatan lalu lenyap.** - *Yakobus 4:14b*

**Kepada siapakah kita berharap?**

Kebaktian BM disiarkan **secara langsung, 11:30 pagi.**:

- YouTube: <https://www.youtube.com/>

[@christchurchlikas/streams](https://www.youtube.com/@christchurchlikas/streams)

Selamat datang ke dalam perkumpulan umat Tuhan.  
Kita bersama-sama beribadah kepada Tuhan Yesus yang telah pun bangkit, dan mendorong satu sama lain untuk mentaati-Nya.

## 1. SELAMAT DATANG

Selamat datang ke kebaktian pagi ini. Kami juga menyambut anda yang mengikuti kami secara dalam talian.

Rektor kita dan Lorraine sedang bercuti sabbatikal di sepanjang bulan Oktober dan November. Semasa ketiadaannya, maka Rev. Samuel, Ps. Margaret dan PCC akan mengambil alih teraju kepimpinan pastoral dan pentadbiran gereja. Sila merujuk mereka bagi pelbagai urusan yang terkait. Mohon dukungan doa buat rektor dan isterinya Lorraine, agar disegarkan dan diperbaharui untuk tugas seterusnya.


## 2. 'LATIH IMAN KITA'

Apakah itu agama yang sebenarnya? Bagaimana kita mengamalkan iman kita? Kita teruskan siri khutbah dari Kitab Yakobus. Kitab yang singkat ini penuh dengan nasihat kepada para pengikut Yesus untuk mengamalkan iman kepercayaan mereka.

"Menjadi pelaku firman, dan bukan hanya pendengar saja, sebab jika tidak demikian kamu menipu diri sendiri" - 1:22. Topik untuk beberapa minggu akan datang:

- hari ini, 27 Okt: 'Bersikaplah Rendah Hati' - *Yakobus 4:13-5:6*
- 3 Nov: Minggu Misi - *Lukas 10:1-9*
- 10 Nov: 'Bersabarlah' - *Yakobus 5:7-12*
- 17 Nov: 'Berdoalah' - *Yakobus 5:13-20*

Bacalah Kitab Yakobus; dan nikmati berkat saat mendengar suara Tuhan.




- ## 3. PEMBERITAHUAN PERNIKAHAN YANG KE-3
- di antara Brandon Wong & Venus Chee (jemaat BI). Jika ada di antara anda yang mengetahui sebarang sebab atau jenis halangan sehingga mereka tidak diperbolehkan dalam Pernikahan Kudus, anda hendaklah menyatakan secara bertulis kepada Rektor. Mereka merancang untuk melangsungkan Pernikahan pada 2 Nov 2024.

## 4. TAKZIAH

Salam takziah kepada keluarga mendiang Puan. Luke Tsing Fong @ Loke (Puan Tay), yang berusia 85 tahun. Sebelum ini, pelayanan Perjamuan Kudus Rumah ada mengunjunginya sekali dalam sebulan di kediamannya di Kingfisher.


## 5. LAWATAN MISI

- 8-9 Nov: Pasukan BI akan mengadakan Kem Kesihatan di beberapa kampung di sekitar Sook, yang dipimpin oleh Dr. George dan Charles Yeo.
- 15-17 Nov: Pasukan BC ke Kundasang, yang dipimpin oleh Ps. Margaret Chong.
- 22-23 Nov: Pasukan BM ke Pitas, yang dipimpin oleh Rev. Samuel Sampe.



## 6. KONFERENSI-KONFERENSI DIOSIS

- 30 Okt-1 Nov, Katedral All Saints - **Konferensi Kepimpinan BC & BI.**
- 30-31 Okt, Christ Church Likas - **Konferensi Pendidikan.**



## 7. PELAYANAN-PELAYANAN YANG LAIN

- **Tadika ASAA** dibuka untuk pendaftaran bagi kanak-kanak berumur 4-5 tahun pada tahun 2025. Butiran di papan informasi.
- 8-9 Nov - **Konferensi UNICO**, gereja.
- 9 Nov, 9:30 pagi - Persekutuan **Evergreens**, Dewan Omega.
- **Gubahan bunga** hari ini disumbangkan oleh Then Hock Wah & keluarga.

## 8. KASIHILAH MANGSA KEBAKARAN DI PENANGAH

Insiden kebakaran di Penangah baru-baru ini telah menjejaskan banyak keluarga, termasuk anggota gereja kita. Jika anda ingin menyumbang, boleh salurkan sama ada melalui sampul kebajikan atau secara dalam talian, dengan pernyataan 'KEBAKARAN'.

Jumaat akan datang, 1 Nov, sekumpulan staf gereja kita akan menghantar sumbangan kasih dari jemaat yang berbentuk barangan kepada mangsa yang terjejas di Penangah. Doakan perjalanan mereka.

## 9. PROJEK LABUR - *terima-kasih!!*

Terkini:RM140,875/- Minggu lalu:RM1,770/- Masih diperlukan:RM459,125 -

**UNTUK PEMBERIAN DALAM TALIAN**  
**RHB Bank | 2-10103-0001913-1**  
**Christ Church Likas**

**Boost:** <https://myboost.app.link/FPvG94VIT4>



## Latih Iman Kita

### Bersikaplah Rendah Hati - Yakobus 4:13-5:6

#### Merendahkan Hati

Pendahuluan:

- Kesombongan manusia - Yakobus 4:13
- Fakta kehidupan - Yakobus 4:a

Mengapa kita harus merendahkan hati?

1. **Keterbatasan manusia** - Yakobus 4:14b
2. **Kemahakuasaan Allah** - Yakobus 4:15

Untuk renungan & perbincangan:

1. Khotbah kita pada minggu ini berkenaan kerendahan hati. Bagaimana anda dapat memahami sikap merendahkan hati? Dan apakah mudah memiliki sikap kerendahan hati ini? Bincangkan.
2. Bagaimana sikap rendah hati ini dapat dijelaskan dalam konteks hubungan dengan Tuhan. Bandingkan Yak 4:14b "*Hidupmu itu sama seperti uap yang sebentar saja kelihatan lalu lenyap.*"
3. Apakah salah memiliki sikap keyakinan pada diri sendiri (self-confidence)? Jelaskan.
4. Dalam Yak 4:16, kita melihat surat Yakobus menegur kepada mereka yang memiliki sikap berkeyakinan pada diri sendiri (Self-confidence), Mengapa?
5. Bagaimana kita dapat menghubungkan sikap yakin pada diri sendiri (Self-confidence) dengan Yak 4:15 "*Sebenarnya kamu harus berkata: Jika Tuhan menghendakinya, kami akan hidup dan berbuat ini dan itu.*" Kongsikan.

#### UNTUK DIDOAKAN

##### Dunia kita yang tercinta

- Berdoa untuk kedamaian dunia.

[agar kedamaian yang datang dari Tuhan melawat setiap pemimpin negara sehingga akan membawa kedamaian atas dunia]

##### Diosis kita yang dikasihi

- Berdoa untuk Bishop, pembantu Bishop, para paderi dan Pastor.

[kiranya hikmat dan perlindungan Tuhan turun ke atas setiap mereka]

##### Diri kita sendiri

- Pertumbuhan Iman

[kiranya kehidupan rohani kami semakin bertumbuh, melalui kehidupan kami yang mengutamakan dan bersandar kepada Tuhan]

- berdoa untuk mereka yang dalam keperluan khusus, baik minda atau rohani; dan untuk 5 sahabat kita. Namakan mereka dalam doa anda.